



Na osnovu Odluke o kriterijima za izvršavanje sredstava odobrenih u Budžetu Unsko-sanskog kantona za 2024. godinu na poziciji „Sporazum za izvršenje finansijskih potraživanja koja su dosuđena pravosnažnom sudskom odlukom“, broj: 03-02-51-1397/2024 od 23.9.2024. godine, objavljuje se

### JAVNI POZIV

za imaoce pravosnažnih i izvršnih sudskih odluka za potraživanja prema Unsko-sanskom kantonu

### PREDMET

Pozivaju se imaoци pravosnažnih i izvršnih sudskih odluka - tražitelji izvršenja, da prijave svoja potraživanja (glavnica i sudski troškovi), utvrđena izvršnim sudskim odlukama, koje su donesene do 31.12.2007. godine i koje se vode na Centralnoj evidenciji potraživanja, kod Unicredit banke, radi izvršenja obaveze Unsko-sanskog kantona, vansudskim putem - sporazumnim načinom.

### USLOVI UČEŠĆA

Pravo prijave na Javni poziv imaju lica koja se nalaze na Centralnoj evidenciji potraživanja, koja se vode kod UniCredit banke i koja posjeduju rješenja o izvršenju donesena do 31.12.2007. godine, pod uslovom:

- da prihvataju obavezu da se odreknu 10% od svog glavnog potraživanja i dosuđene zakonske zatezne kamate na glavno potraživanje,
- da prihvataju obavezu da se odreknu zakonske zatezne kamate na troškove parničnog i izvršnog postupka,
- spremnost nosioca izvršenja da se, nakon potpisivanja Ugovora i konačne realizacije obaveza (isplate), putem Kantonalnog pravobranilaštva nadležnom sudu, dostavi Ugovor i dokaz o uplati i podnese prijedlog za obustavu sudskog/ih izvršnog/ih postupka/postupaka u dijelu koji se odnosi na potraživanje po osnovu glavnice duga, zakonskih zateznih kamata i troškova parničnog i izvršnog postupka proizašlih iz pravosnažnih i izvršnih sudskih odluka.

### PRIJAVA NA JAVNI POZIV I OBAVEZNA DOKUMENTACIJA

Prijava na Javni poziv obavezno sadrži:

1. Zahtjev za zaključivanje vansudske nagodbe (obrazac dostupan na web stranici: [www.vladausk.ba](http://www.vladausk.ba)),
2. kopija rješenja o izvršenju,
3. ovjerenu ličnu izjavu tražitelja izvršenja, odnosno punomoćnika ili nasljednika, o spremnosti za odricanje od dosuđene zakonske zatezne kamate i glavnog potraživanja u iznosu od 10%, o spremnosti za odricanje od dosuđene zakonske zatezne kamate na troškove parničnog i izvršnog postupka i saglasnosti na obustavu izvršnog postupka, (obrazac izjave dostupan na web stranici: [www.vladausk.ba](http://www.vladausk.ba)),
4. ovjerenu fotokopiju lične karte podnosioca zahtjeva,

5. Punomoć za zastupanje u slučaju da se na strani tražitelja izvršenja ili njihovih nasljednika kao potpisnik ugovora o vansudskoj nagodbi pojavljuje opunomoćenik u vidu advokatske kancelarije ili trećeg lica,
6. Rješenje o nasljeđivanju u slučaju da se nasljednik/nasljednici tražitelja izvršenja pojavljuju kao potpisnici ugovora o vansudskoj nagodbi.

## NAČIN PODNOŠENJA PRIJAVE

Prijave sa potrebnom dokumentacijom dostavljaju se neposredno na protokol Vlade Unsko-sanskog kantona ili preporučeno putem pošte, na adresu:

Vlada Unsko-sanskog kantona,  
Ul. Alije Đerzeleza br. 2, 77 000 Bihać  
s naznakom:  
Prijava po Javnom pozivu „ za imaoce pravosnažnih i izvršnih sudskih odluka za  
potraživanja prema Unsko-sanskom kantonu“  
„NE OTVARAJ“  
Na poleđini koverta obavezno navesti naziv podnosioca prijave i adresu.

Neblagovremene prijave, koje su dostavljene nakon isteka roka određenog Javnim pozivom, neće se uzeti u razmatranje.

Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

Rok za podnošenje prijave na Javni poziv je 30 dana od dana objave Javnog poziva na web stranici Vlade Unsko-sanskog kantona [www.vladausk.ba](http://www.vladausk.ba).

Broj: 03-11-11745-1/24  
Datum: 24.9.2024. godine

PREMIJER KANTONA  
Nijaz Hušić, MA